

BOSNA I HERCEGOVINA - БОСНА И ХЕРЦЕГОВИНА

*Agencija za razvoj visokog
obrazovanja i osiguranje
kvaliteta/kvalitete
Bosne i Hercegovine
Banja Luka*



*Агенција за развој високог
образовања
и обезбјеђивање квалитета
Босне и Херцеговине
Бања Лука*

Agency for Development of Higher Education and Quality Assurance of Bosnia and Herzegovina

Број:

Датум:

Na osnovu člana 24. Zakona o ministarstvima i drugim organima uprave Bosne i Hercegovine („Službeni glasnik BiH“, br. 5/03, 42/03, 26/04, 42/04, 45/06, 88/07, 35/09, 59/09, 103/09, 87/12, 6/13, 19/16 i 83/17)) i člana 11. Odluke o godišnjem planiranju rada i načinu praćenja i izvještavanja u institucijama Bosne i Hercegovine („Službeni glasnik BiH“, broj 94/14), Agencija za razvoj visokog obrazovanja i obezbjeđivanje kvaliteta, p o d n o s i

IZVJEŠTAJ O RADU AGENCIJE ZA RAZVOJ VISOKOG OBRAZOVANJA I OBEZBJEĐIVANJE KVALITETA ZA 2020. GODINU

I - UVOD

Agencija za razvoj visokog obrazovanja i obezbjeđivanje kvaliteta (u daljem tekstu: Agencija) osnovana je članom 47. Okvirnog zakona o visokom obrazovanju u Bosni i Hercegovini („Službeni glasnik BiH“, broj:59/07 i 59/09) kao samostalna upravna organizacija. Nadležnosti Agencije definisane su članovima 48. 49. i 50. Okvirnog zakona o visokom obrazovanju u Bosni i Hercegovini, a organizacija, upravljanje, rukovođenje i finansiranje Agencije propisani su članovima 51. i 52. Okvirnog zakona. Odlukom Savjeta ministara („Službeni glasnik BiH“, broj:10/08) određeno je sjedište Agencije u Banjoj Luci i početak rada 01.03.2008. godine. Agencija je operativna od 01.12.2008. godine. Savjet ministara Bosne i Hercegovine je na 74. sjednici, održanoj 05.02.2009. godine, dao saglasnost na Pravilnik o unutrašnjoj organizaciji Agencije.

Agencija za razvoj visokog obrazovanja i obezbjeđivanje kvaliteta u 2020. godini bazirala je svoje aktivnosti na Programu rada Agencije za 2020. godinu. Planirani godišnji rezultati Agencije proizlaze iz Srednjoročnog plana rada Agencije 2019.-2021., a koji je bio i osnova za izradu godišnjeg programa rada Agencije. Srednjoročni cilj Agencije – *Unaprijediti politike i razvoj kvaliteta u oblasti obrazovanja u Bosni i Hercegovini* – implementiran je putem specifičnog cilja:

- Jačanje osiguranja kvaliteta i stalni razvoj visokog obrazovanja u Bosni i Hercegovini

Navedeni srednjoročni i specifični cilj Agencije ostvareni su kroz realizaciju programa:

- *Provođenje tematskih analiza i procesa osiguranja kvaliteta*

- te projekata:
1. Priprema i provođenje tematskih analiza i davanje savjeta i preporuka
 2. Priprema i realizovanje obuka i radionica sa zainteresovanim stranama
 3. Provođenje aktivnosti na evaluaciji i razvoju sistema internog osiguranja kvaliteta rada Agencije u skladu sa Evropskim standardima za osiguranje kvaliteta u visokom obrazovanju (ESG)
 4. Provođenje postupaka akreditacije visokoškolskih ustanova i studijskih programa u BiH u skladu sa mandatom Agencije

U izvještajnom periodu, Agencija je, u okviru utvrđenog programa i projekata, realizovala slijedeće prioritetne zadatke planirane Programom rada za 2020. godinu, i to:

• **Provođenje tematskih analiza**

Tokom 2020. godine urađene su dvije analize, i to:

1. *Analiza Liste stručnjaka po naučnim/umjetničkim oblastima s posebnim osvrtom na kategoriju student*

Cilj ove analize bio je da se utvrdi stvarno stanje raspoloživih i obučenih stručnjaka na Listi stručnjaka svih kategorija u kontekstu naučnih/umjetničkih polja i oblasti kojima stručnjaci pripadaju, s posebnim osvrtom na kategoriju student - stručnjak, a sve radi relevantnog predlaganja, izbora i imenovanja stručnjaka u komisije za akreditaciju studijskih programa. Analiza, koja je rađena u maju 2020. godine je utvrdila da se na Listi Agencije nalazi 176 stručnjaka iz društvenih nauka, 142 iz tehničkih nauka, 48 iz biotehničkih nauka, 34 iz oblasti biomedicina i zdravstvo, 41 iz prirodnih nauka, 33 iz humanističkih nauka i 6 iz umjetničkih oblasti. Zaključak analize bio je da je neophodno raspisati konkurs za izbor stručnjaka, kategorije student iz oblasti: društvenih, tehničkih, biotehničkih nauka, biomedicina i zdravstvo, prirodnih nauka, humanističkih nauka i umjetničkih oblasti, kao i za ostale kategorije stručnjaka iz oblasti: biotehničkih nauka, biomedicina i zdravstvo, prirodnih nauka, humanističkih nauka i umjetničkih oblasti.

2. *Analiza uticaja vanrednog stanja izazvanog pandemijom korona virusa (Covid-19) na organizaciju i procese osiguranja kvaliteta u visokom obrazovanju u Bosni i Hercegovini*

Cilj ove analize bio je da se prikupe informacije o aktivnostima nadležnih obrazovnih vlasti i visokoškolskih ustanova u periodu vanrednog stanja i načinima organizacije obrazovnih i upravljačkih procesa. Od ukupno 31 visokoškolske ustanove koje su dostavile informacije, između ostalog su njih 29, odnosno 93,5% ustanova u momentu proglašenja vanrednog stanja/stanja prirodne nesreće, usvojile akt kojim je regulisan način rada visokoškolske ustanove u periodu pandemije. Ti akti su u 64,5 % slučajeva jasno definisali način rada organizacionih jedinica visokoškolskih ustanova, a u 35,5% slučajeva uglavnom definisali njihov način rada. Većina visokoškolskih ustanova je nastavno-naučne procese realizovala putem interneta, na daljinu, koristeći različite sisteme i alate, dok se za upravljačke procese koristila kombinacija fizičkog prisustva i internet sastanka, u zavisnosti od trenutnih epidemioloških mjera i preporuka nadležnih institucija. Jedan od zaključaka analize je da je većina visokoškolskih ustanova koje su odgovorile na upitnik prilagodila svoj rad trenutnim uslovima, adekvatno reagovala na pandemiju i prilagodila završetak akademske godine. Ipak, sve visokoškolske ustanove

suočile su se sa određenim izazovima, a pandemija je u određenoj mjeri otežala realizaciju pojedinih aktivnosti.

- **Davanje savjeta i preporuka u skladu sa mandatom Agencije**

Davanje preporuka, savjeta i informacija u skladu sa nadležnostima Agencije je kontinuirana aktivnost. Agencija redovno, ažurno i stručno odgovara na zahtjeve i daje informacije shodno broju pristiglih upita i zahtjeva za savjetima i informacijama.

- **Organizacija aktivnosti za i sa ključnim partnerima**

U izvještajnom periodu Agencija je organizovala slijedeće događaje:

1. *Sastanci sa zainteresovanim stranama*

U sklopu realizacije preporuke ENQA panela za poboljšanje saradnje sa nadležnim obrazovnim vlastima realizovane su aktivnosti:

- ✓ Sastanak sa rukovodstvom Agencije za znanost i visoko obrazovanje Hrvatske u Banjaluci, 19.02.2020.godine - Tema sastanka bila je razmjena iskustava i dobrih praksi u procesima osiguranja kvaliteta u visokom obrazovanju, sa posebnim akcentom na akreditaciju studijskih programa.
- ✓ Sastanak u Ministarstvu civilnih poslova BiH, 09.07.2020. godine, direktora Agencije s predstavnicima Ministarstvu civilnih poslova Bosne i Hercegovine i predstavnicima visokoškolskih ustanova iz Brčko Distrikta na temu akreditacija ustanova u Brčko Distriktu BiH.
- ✓ Sastanci u vezi sa procesom akreditacije menadžmenata Agencije sa:
 - ministrom obrazovanja u Srednjobosanskom kantonu u avgustu 2020. godine.
 - predstavnikom Odbora za obrazovanje u Parlamentu FBiH 20.08.2020.godine
 - predstavnicima Univerziteta za poslovne studije Banja Luka, u oktobru 2020. godine
- ✓ Više online sastanaka početkom novembra 2020.godine pomoćnika direktora kao kontakt osobe u ime Agencije za pripremu i realizaciju MOCK review sa zainteresovanim stranama Agencije i to sa: Ministarstvom civilnih poslova BiH, nadležnim obrazovnim vlastima, Rektorske konferencije BiH, koordinatorima za osiguranje kvaliteta visokoškolskih ustanova, predstavnicima akreditovanih visokoškolskih ustanova, stručnjacima sa Liste eksperata Agencije kao i studentima.

- **Organizacija obuka stručnjaka za akreditaciju u saradnji sa nadležnim obrazovnim vlastima**

U cilju unapređenja procesa akreditacije u BiH putem kontinuiranih obuka, teorijskih i praktičnih, razvoja mreže kompetentnih,iskusnih i dobro obučanih stručnjaka koji daju ocjenu i obavljaju reviziju kvaliteta i daju preporuke o akreditaciji visokoškolskih ustanova, odnosno studijskih programa Agencija redovno godišnje raspisuje Konkurs za izbor stručnjaka i organizuju obuke na kojima osim stručnjaka koji su prošli aktuelni

konkurs za izbor stručnjaka, poziva i stručnjake koji su pohađali obuku samo jednom, prije određenog vremena.

U skladu sa članovima 48. i 49. Okvirnog zakona o visokom obrazovanju u BiH, a na osnovu analize Liste stručnjaka, Agencija je u julu 2020.godine objavila novi javni konkurs za izbor stručnjaka, prije svega zbog malog broja stručnjaka iz kategorije student, međutim konkurs nije bilo moguće okončati zbog toga što saglasnost na imenovanje Komsije za izbor stručnjaka na Listu stručnjaka daje Upravni odbor Agencije kojem je istekao mandat, a novi članovi Upravnog odbora nisu imenovani. Trenutno se na Listi nalazi ukupno 475 stručnjaka, od toga 147 međunarodnih stručnjaka, 223 predstavnika akademske zajednice BiH, 13 studenata i 93 predstavnika privrede i prakse.

Zbog pandemije Corona virusom Agencija ove godine nije bila u mogućnosti da organizuje obuke stručnjaka koji daju ocjenu i obavljaju reviziju kvaliteta i daju preporuke o akreditaciji visokoškolskih ustanova i studijskih programa u BiH

- **Realizacija preporuka iz Izvještaja o eksternoj evaluaciji Agencije provedene od strane Evropske asocijacije za obezbjeđivanje kvaliteta u visokom obrazovanju (ENQA).**

Na osnovu Izvještaja ENQA Panela, Agencija je, najprije, sačinila *Akcionu plan realizacije preporuka ENQA Panela* koji je usvojio Upravni odbor Agencije na 39. sjednici, održanoj 22.12.2017. godine. U Akcionom planu je bilo predviđeno da se od 19 Preporuka, devet Preporuka realizuje usvajanjem revidirane Odluke o normama kojima se određuju minimalni standardi u visokom obrazovanju u BiH od strane Upravnog odbora Agencije, tri Preporuke izmjenom Statuta Agencije u članovima vezanim za sastav i nadležnost Upravnog odbora Agencije, a koje usvaja Upravni odbor Agencije, četiri Preporuke se odnose na kontinuirane aktivnosti Agencije, dvije Preporuke se realiziraju usvajanjem izmjena akata koji regulišu Konkurs za izbor stručnjaka i jedna Preporuka se odnosi na nova zapošljavanja, koje treba da odobri Vijeće ministara BiH. Rok za realizaciju svih Preporuka je bio 13.09.2019. godine.

Odbor za osiguranje kvaliteta Agencije je redovno pratio realizaciju Akcionog plana i sačinjavao mjesečni *Izvještaj o realizaciji akcionog plana realizacije preporuka ENQA panela*, koji je dostavljao rukovodstvu na razmatranje. No, ove godine usljed specifičnih okolnosti Odbor za kvalitet je umjesto Izvještaja o realizaciji ENQA Preporuka, stanje o realizaciji preporuka predstavio u Samoevaluacijskom izvještaju Agencije 2020. godinu, koji je urađen za potrebe online evaluacije Agencije, MOCK review, od 09.-10.11.2020.g. od strane stručnjaka koje je angažovao Savjet za regionalnu saradnju (RCC) i Centar za znanje i inovacije (KIC) u okviru projekta „Eksterna evaluacija sistema za osiguranje kvaliteta Zapadnog Balkana u skladu sa evropskim standardima za osiguranje kvaliteta (ESG)“, a s ciljem pomoći agencijama na Balkanu koje nisu punopravne članice Evropske asocijacije za osiguranje kvaliteta u visokom obrazovanju (ENQA) u analizi stanja u ovoj oblasti. U okviru ovog projekta, Panel u sastavu: Nik Heerens, ekspert za visoko obrazovanje iz Holandije, Fernando Miguel Galan Palomares, ekspert za visoko obrazovanje iz Španije i Gohar Hovhannisyanyan, potpredsjednica Evropske studentske unije razgovarali su sa direktorom, predstavnicima Upravnog odbora i stručnih službi Agencije, Ministarstvom civilnih poslova, nadležnih obrazovnih vlasti, Rektorske konferencije BiH, koordinatorima za osiguranje kvaliteta visokoškolskih ustanova,

predstavnicima akreditiranih visokoškolskih ustanova, stručnjacima sa Liste eksperata Agencije kao i studentima. Agencija očekuje krajem januara Izvještaj ovog Panela, koji će joj biti od pomoći za dalju realizaciju ENQA Preporuka i pripremu za punopravno članstvo u ENQA-i.

- **Razvijanje i poboljšanje procesa akreditacije u skladu sa mandatom Agencije**

Agencija je imala aktivno učešće u Erasmus+ KA3 projektu “Efektivna uključenost zainteresovanih strana u aktivnosti vanjskog osiguranja kvaliteta” na izradi Vodiča o efektivnoj uključenosti zainteresovanih strana u osiguranje kvaliteta. Ovaj vodič će uz Metodologiju pisanja izvještaja komisija stručnjaka za akreditaciju studijskih programa i Vodič za jačanje internacionalizacije visokoškolskih ustanova u BiH imati značaj u razvijanju i poboljšanju procesa akreditacije. Vodič o efektivnoj uključenosti zainteresovanih strana u osiguranje kvaliteta, ima za cilj da agencijama za osiguranje kvaliteta pruži smjernice kako bi što efikasnije uključili relevantne zainteresovane strane u aktivnosti vanjskog osiguranja kvaliteta. Metodologija pisanja izvještaja komisija stručnjaka za akreditaciju studijskih programa daje smjernice za pisanje izvještaja o eksternoj evaluaciji studijskih programa, a Vodič za jačanje internacionalizacije visokoškolskih ustanova u BiH pruža podršku visokoškolskim ustanovama u jačanju internacionalizacije, kroz ispunjavanje zahtjeva iz kriterija za akreditaciju visokoškolskih ustanova i studijskih programa. Ovaj Vodič je i podrška stručnjacima da u procesu akreditacije ocijene ispunjenost kriterijuma u svjetlu internacionalizacije, te daju prijedloge mjera za unapređenje internacionalizacije.

- **Realizovanje postupaka akreditacije visokoškolskih ustanova i studijskih programa**

U izvještajnom periodu za 2020.g. Agencija je po prijedlozima nadležnih obrazovnih vlasti imenovala komisije stručnjaka za akreditaciju visokoškolskih ustanova, kako slijedi: Visoka škola „Internacionalna poslovno-informaciona akademija“, Tuzla, Evropski univerzitet „Kallos“ Tuzla, Univerzitet u Travniku, Internacionalni univerzitet Travnik, Univerzitet u Bihaću, Visoka škola računarstva i poslovnih komunikacija eMPIRICA Brčko, Visoka škola "CEPS-Centar za poslovne studije", Sveučilište/Univerzitet Vitez, Visoka Medicinska škola Prijedor, Visoka škola za uslužni biznis Sokolac i Univerzitet Bijeljina u Bijeljini. U izvještajnom periodu za 2020.g. nije bilo imenovanja Komisija stručnjaka za akreditaciju studijskih programa u BiH.

Zaključno sa 31. 12. 2020.godine, u Državni registar akreditovanih visokoškolskih ustanova u BiH upisano je ukupno 30 visokoškolskih ustanova (od kojih su tri još u postupku reakreditacije).

Lista akreditovanih visokoškolskih ustanova u BiH, objavljena je na internet stranici Agencije.

- **Usvojeni akti Agencije**

Tokom 2020.godine nije bilo novih usvojenih akata Agencije.

- **Učešće u aktivnostima u okviru procesa pristupanja Bosne i Hercegovine EU i međunarodnim projektima i programima**

Tokom 2020. godine Agencija je aktivno učestvovala i dala poseban doprinos u:

1. radu Odbora za stabilizaciju i pridruživanje između Evropske unije i Bosne i Hercegovine u dijelu koji se odnosi na oblast obrazovanja i
2. radu Pododbora za inovacije, informaciono društvo i socijalnu politiku između Evropske unije i Bosne i Hercegovine,
3. izradi priloga institucija u BiH za redovni Godišnji izvještaj o BiH u procesu evropskih integracija,
4. izradi Izvještaja o provedbi mjera iz Akcionog plana za realizaciju prioriteta iz Analitičkog izvještaja Evropske komisije,
5. radu HERE tima (Higher Education Reform Experts),
6. radu Sedmog sastanka The Western Balkans Working Group on Recognition of Academic Qualifications and Quality Assurance Standards Tirana 4-5. 02., 2020
7. realizaciji Erasmus+ KA3 projekta “Efektivna uključenost zainteresovanih strana u aktivnosti vanjskog osiguranja kvaliteta” (ESQA projekat), na izradi Vodiča o uključivanju zainteresovanih strana u aktivnosti osiguranja kvaliteta

I – a) Osnovni problemi i izazovi u realizaciji Programa rada

Svaki od prioritenih zadataka planiranih Programom rada Agencije, podrazumijeva s jedne strane, ispunjavanje određenih pretpostavki kako bi mogao biti realizovan, dok s druge strane, postoje mogući rizici i problemi, koji utiču na rezultat navedenih zadataka, odnosno aktivnosti.

Generalno, otežavajući faktori u radu Agencije su:

1. pandemija Covid 19
2. nepotpuna nezavisnost Agencije u postupku akreditacije,
3. više učesnika u procesu akreditacije,
4. nastojanja učesnika u procesu osiguranja kvaliteta za prisvajanje nadležnosti u osiguranju i ocjeni kvaliteta na svom administrativnom prostoru,
5. otežano prikupljanje podataka za tematske analize zbog nedostavljanja traženih podataka, te dostavljanja neblagovremenih ili nepotpunih podataka, od strane pojedinih nadležnih institucija u BiH i visokoškolskih ustanova u BiH,
6. složeni politički odnosi u Bosni i Hercegovini,
7. nedovoljna kadrovska popunjenost Agencije imajući u vidu da je Pravilnikom o unutrašnjoj organizaciji Agencije predviđeno 35 izvršilaca na sistematizovanim radnim mjestima, dok je trenutno zaposleno 19 izvršioaca.
8. neredovnost sjednica UO
9. istekli mandati Članovima UO
10. istekli mandati rukovodstva Agencije

- **Zaključak**

Uprkos problemima i izazovima sa kojima se susretala u svom radu, Agencija je i u posmatranom periodu u oteažnim uslovima globalne pandemije Covid 19 i posebnih mjera uvedenih radi prevencije i zaštite od virusa Corona, predano radila na izvršenju aktivnosti planiranih Programom rada za 2020.godinu, drugim aktima Agencije, Okvirnim zakonom o visokom obrazovanju u Bosni i Hercegovini te Prioritetima za razvoj visokog obrazovanja u Bosni i Hercegovini za period 2016.-2026.godina.

Implementacija Standarda i smjernica za osiguranje kvaliteta u visokom obrazovanju (ESG) u radu Agencije, ali i cjelokupnom visokom obrazovanja u Bosni i Hercegovini ostaje trajna misija Agencije i drugih nadležnih institucija i u narednom periodu kako bi Bosna Hercegovina postala ravnopravan član Evropskog prostora visokog obrazovanja.

II IZVJEŠTAJ O PROVOĐENJU AKCIONOG PLANA PREDVIĐENOG GODIŠNJIM PROGRAMOM RADA AGENCIJE

| Opći cilj/načela razvitka: Pametan rast | | | | | | | | | | | |
|---|--|---|--------------------------|-------------------------|---|---|--------------------|--------------------|-------------------------------|---------------------|-------------------------------------|
| Strateški cilj: Razvoj ljudskih resursa | | | | | | | | | | | |
| Srednjoročni cilj: Unaprijediti politike i razvoj kvaliteta u oblasti obrazovanja u Bosni i Hercegovini | | | | | | | | | | | |
| Programi, projekti i aktivnosti | Nosilac aktivnosti (organizaciona jedinica) | Pokazatelji | | | | Izvori finansiranja i troškovi | | Vrijeme provedbe | | Komentar | |
| | | Jedinica mjerenja (% , broj ili opisno) | Polazna vrijednost 20120 | Ciljana vrijednost 2020 | Ostvarena vrijednost na kraju godine 2020 | Izvori finansiranja (proračun, krediti, donacije, ostalo) | Planirani troškovi | Ostvareni troškovi | Planirani kvartal za provedbu | | Kvartal kada je aktivnost provedena |
| 1 | 2 | 3 | 4 | 5 | 6 | 7 | 8 | 9 | 10 | 11 | 12 |
| 1.Specifični cilj: Jačanje osiguranja kvaliteta i stalni razvoj visokog obrazovanja u Bosni i Hercegovini | | | | | | | | | | | |
| 1.1. Program: Provođenje tematskih analiza i procesa osiguranja kvaliteta | | | | | | | | | | | |
| Projekti | Aktivnosti | | | | | | | | | | |
| 1.1.1 Provođenje tematskih istraživanja i analiza | 1.1.1.1. Prikupljanje i obrada podataka za analize | Sektor za razvoj visokog obrazovanja | Broj | 4 | 5 | 2 | Budžet | 217,000 | 169,987 | II, III, IV kvartal | II, III, IV |
| | 1.1.1.2. Definisane zaključaka i izrada analiza sa svjetima i preporukama | | | | | | | | | | |
| 1.1.2 Priprema i realizovanje obuka i radionica sa zainteresovanim stranama ¹ | 1.1.2.1. Priprema obuka i radionica sa ekspertima, visokoškolskim ustanovama i nadležnim obrazovnim vlastima | Sektor za razvoj visokog obrazovanja i Sektor za osiguranje kvaliteta | Broj | 5 | 6 | 4 | Budžet | 217,000 | 169,987 | II, III,IV kvartal | III, IV |
| | 1.1.2.2. Organizacija i izvođenje obuka i radionica sa ekspertima, visokoškolskim ustanovama i nadležnim obrazovnim vlastima | | | | | | | | | | |
| 1.1.3 Provođenje aktivnosti na evaluaciji i razvoju sistema internog osiguranja kvaliteta rada Agencije u skladu sa ESG sistema internog osiguranja kvaliteta rada Agencije u skladu sa ESG | 1.1.3.1 Implementacije preporuka iz Izvještaja o eksternoj evaluaciji Agencije provedene od strane ENQA | Sektor za razvoj visokog obrazovanja i Sektor za osiguranje kvaliteta | Broj | 1 | 1 | 1 | Budžet | 86,800 | 67,995 | I,II,III,IV kvartal | III, IV |
| | 1.1.3.2 Izrada godišnjeg Izvještaja o samoevaluaciji Agencije u skladu sa ESG | | | | | | | | | | |
| 1.1.4 Provođenje postupaka akreditacije VŠU i SP u BiH u skladu sa mandatom Agencije | 1.1.4.1 Imenovanja Komisija stručnjaka | Sektor za osiguranje kvaliteta | Procenat | 65% | 70% | 57% | Budžet | 347,200 | 271,981 | I,II,III,IV kvartal | I, III |
| | 1.1.4.2 Izdavanje Preporuka o akreditaciji VŠU i SP | | | | | | | | | | |

¹ Ove aktivnosti sa zainteresovanim stranama nisu održane u formi skupnih ubuka i radionica zbog aktualne pandemije, već u formi odvojenih online ili uživo sastanaka s istima te su u tom smislu računati pod stavkom 1.1.2.

IV IZVJEŠTAJ O IZRAĐENIM PODZAKONSKIM AKTIMA PLANIRANIM GODIŠNJIM PROGRAMOM RADA AGENCIJE

| Opći cilj/načela razvitka: Pametan rast | | | | | | | |
|---|--|-------------------------------------|--|---|-----------------------|----------|---|
| Strateški cilj: Razvoj ljudskih resursa | | | | | | | |
| Srednjoročni cilj: Unapređenje politika i razvoja kvaliteta visokog obrazovanja u Bosni i Hercegovini | | | | | | | |
| Specifični cilj: Jačanje osiguranja kvaliteta i stalni razvoj visokog obrazovanja u Bosni i Hercegovini | | | | | | | |
| Naziv podzakonskog akta | Vrijeme provedbe | | Status podzakonskog akta zaključno sa 31.12.2020. godine | | | Komentar | |
| | Planirani kvartal za provedbu aktivnosti | Kvartal kada je aktivnost provedena | Upućen rukovoditelju (DA/NE) | Usvojen od strane rukovoditelja (DA/NE) | Upućen VM BiH (DA/NE) | | Usvojen na VM BiH (DA/NE) |
| 1 | 2 | 3 | | | 4 | 5 | 6 |
| 1.1. Provođenje tematskih analiza i procesa osiguranja kvaliteta | | | | | | | |
| 1.1.1. Postupci akreditacije visokoškolskih ustanova i studijskih programa u BiH u skladu s Okvirnim zakonom i drugim aktima Agencije | | | | | | | |
| 1.1.1.1. Odluka o normama kojima se određuju minimalni standardi u području visokog obrazovanja u Bosni i Hercegovini | IV kvartal | Nije provedena | NE | NE | NE | NE | Iako je postojala potreba za utvrđivanjem sadržaja i donošenjem novog akta kojim se određuju minimalni standardi u području visokog obrazovanja u Bosni i Hercegovini, situacija izazvana pandemijom virusa korona uslovlila je izmijenjenu strukturu rada u Agenciji, a samim time i nemogućnost usvajanja dokumenta od strane Upravnog odbora Agencije s obzirom na istek mandata članovima Upravnog odbora i kašnjenje s imenovanjem novih članova, kao i činjenicu da postojeći saziv Upravnog odbora |

| | | | | | | | |
|--|-----------|----------------|----|----|----|----|---|
| | | | | | | | nije održavao redovne sjednice u toku 2020. godine. |
| 1.1.1.2. Odluka o kriterijima za akreditaciju studijskih programa III ciklusa studija u Bosni i Hercegovini | I kvartal | Nije provedena | DA | DA | NE | NE | Predmetni dokument, iako usvojen od strane direktora, nije prihvaćen i usvojen od strane Upravnog odbora Agencije 2017. godine. U toku izvještajnog perioda nisu upućene na saglasnost Upravnom odboru Agencije s obzirom da u situaciji izazvanoj pandemijom virusa korona, sjednice Upravnog odbora nisu redovno održavane u toku 2020. godine. |
| 1.2. Provođenje tematskih analiza i procesa osiguranja kvaliteta | | | | | | | |
| 1.2.1. Priprema i provođenje tematskih analiza i davanje savjeta i preporuka | | | | | | | |
| 1.2.1.1. Preporuke o kriterijima za licenciranje visokoškolskih ustanova i studijskih programa u Bosni i Hercegovini | I kvartal | Nije provedena | DA | DA | NE | NE | Predmetni dokument, iako usvojen od strane direktora, nije prihvaćen i usvojen od strane Upravnog odbora Agencije 2017. godine. U toku izvještajnog perioda nisu upućene na saglasnost Upravnom odboru Agencije s obzirom da, u situaciji izazvanoj pandemijom korona virusa, Upravni odbor nije održao niti jednu redovnu sjednicu u 2020. godini, a prilikom pokušaja sazivanja vanrednih sjednica Upravnog odbora na dnevnom redu data je prednost drugim tačkama dnevnog reda koje su u datom trenutku imale prioritet. |

| | | | | | | | |
|--|-----------|----------------|----|----|----|----|--|
| 1.2.1.2. Preporuke o kriterijima i standardima ministarstvu Republike Srpske, kantonalnim ministarstvima i Brčko distriktu BiH za osnivanje i zatvaranje visokoškolskih ustanova te za prestrukturiranje studijskih programa | I kvartal | Nije provedena | DA | DA | NE | NE | Predmetni dokument, iako usvojen od strane direktora, nije prihvaćen i usvojen od strane Upravnog odbora Agencije 2017. godine. U toku izvještajnog perioda nisu upućene na saglasnost Upravnom odboru Agencije s obzirom da, u situaciji izazvanoj pandemijom korona virusa, Upravni odbor nije održao niti jednu redovnu sjednicu u 2020. godini, a prilikom pokušaja sazivanja vanrednih sjednica Upravnog odbora na dnevnom redu data je prednost drugim tačkama dnevnog reda koje u datom trenutku imale prioritet. |
| 1.3. Provođenje tematskih analiza i procesa osiguranja kvaliteta | | | | | | | |
| 1.3.1. Provođenje aktivnosti na evaluaciji i razvoju sistema internog osiguranja kvaliteta rada Agencije u skladu sa Evropskim standardima za osiguranje kvaliteta u visokom obrazovanju (ESG) | | | | | | | |
| 1.3.1.1. Pravilnik o unutrašnjoj organizaciji Agencije za razvoj visokog obrazovanja i osiguranje kvaliteta Bosne i Hercegovine | I kvartal | Nije provedena | DA | DA | NE | NE | U toku izvještajnog perioda sačinjen je konačni opis poslova svih radnih mjesta te su u toku finalne aktivnosti za upućivanje prednacrt dokumenta u daljnji postupak. |

| | | | | | | | |
|---|------------------|-----------------------|-----------|-----------|-----------|-----------|---|
| <p>1.3.1.2. Statut o dopunama statuta Agencije za razvoj visokog obrazovanja i osiguranje kvaliteta BiH</p> | <p>I kvartal</p> | <p>Nije provedena</p> | <p>DA</p> | <p>DA</p> | <p>NE</p> | <p>NE</p> | <p>Predmetni dokument, iako usvojen od strane direktora, nije prihvaćen i usvojen od strane Upravnog odbora Agencije 2017. godine. U toku izvještajnog perioda ovaj dokument nije upućen na sjednicu Upravnog odbora iz razloga što, u situaciji izazvanoj pandemijom virusa korona, niti jedna sjednica Upravnog odbora u 2020. godini nije održana, a u pokušajima sazivanja vanrednih sjednica Upravnog odbora ova tačka nije bila predložena iz razloga davanja prednosti drugim tačkama dnevnog reda koje su u datom trenutku imale prioritet.</p> |
|---|------------------|-----------------------|-----------|-----------|-----------|-----------|---|

V – IZVJEŠTAJ O IZRAĐENIM MEĐUNARODNIM UGOVORIMA PLANIRANIM GODIŠNJIM PROGRAMOM RADA AGENCIJE

Programom rada Agencije za razvoj visokog obrazovanja i obezbjeđivanje kvaliteta za 2020. godinu nije planirano zaključivanje međunarodnih ugovora

| Opći cilj/načela razvitka: Pametan rast | | | | | | | |
|---|---------------------------------|-------------------------------------|---|---------------------------|--|--------------------------------------|----------|
| Strateški cilj: Razvoj ljudskih resursa | | | | | | | |
| Srednjoročni cilj: Unaprijediti politike i razvoj kvaliteta u oblasti obrazovanja u Bosni i Hercegovini | | | | | | | |
| Specifični cilj: Jačanje osiguranja kvaliteta i stalni razvoj visokog obrazovanja u Bosni i Hercegovini | | | | | | | |
| Naziv međunarodnog ugovora | Vrijeme provođenja | | Status međunarodnog ugovora zaključno sa 31.12._____ godine | | | | Komentar |
| | Planirani kvartal za provođenje | Kvartal kada je aktivnost provedena | Upućen VM BiH (DA/NE) | Usvojen na VM BiH (DA/NE) | Procedura u Predsjedništvu BiH (DA/NE) | Usvojen u Predsjedništvu BiH (DA/NE) | |
| 1 | 2 | 3 | 4 | 5 | 6 | 7 | 8 |
| 1.1 (naziv programa) | | | | | | | |
| 1.1.1 (naziv projekta) | | | | | | | |
| 1.1.1.1 (naziv međunarodnog ugovora) | | | | | | | |
| 1.1.1.2 (naziv međunarodnog ugovora)... | | | | | | | |
| 1.1.2 (naziv projekta)... | | | | | | | |
| 1.2 (naziv programa)... | | | | | | | |

Programom rada Agencije za razvoj visokog obrazovanja i obezbjeđivanje kvaliteta za 2020. godinu nije planirano zaključivanje međunarodnih ugovora

VI – RAZVOJNI, INVESTICIJSKI I DRUGI PROJEKTI

Programom rada Agencije za razvoj visokog obrazovanja i obezbjeđivanje kvaliteta za 2020. godinu nisu planirani razvojni, investicioni i drugi projekti.

| Opći cilj/načela razvitka: Pametan rast | | | | |
|---|------------------------------------|--------------------|--|----------|
| Strateški cilj: Razvoj ljudskih resursa | | | | |
| Srednjoročni cilj: Unaprijediti politike i razvoj kvaliteta u oblasti obrazovanja u Bosni i Hercegovini | | | | |
| Specifični cilj: Jačanje osiguranja kvaliteta i stalni razvoj visokog obrazovanja u Bosni i Hercegovini | | | | |
| Naziv projekta javnih investicija | Vrijeme realizacije | | Status (ZAVRŠENO, U POSTUPKU, ODLOŽENO, PREKINUTO) | Komentar |
| | Očekivani period realizacije | Završen (DA/NE) | | |
| 1 | 2 | 3 | 4 | 5 |
| 1.1 (naziv programa) | | | | |
| 1.1.1 (naziv projekta) | | | | |
| 1.1.1.1 (naziv projekta javnih investicija) | | | | |
| 1.1.1.2 (naziv projekta javnih investicija)... | | | | |
| 1.1.2 (naziv projekta)... | | | | |
| 1.2 (naziv programa)... | | | | |

VII – IZVJEŠTAJ O PROVEDENIM KONSULTACIJAMA KOD IZRADE GODIŠNJEG IZVJEŠTAJA O RADU

Kod izrade godišnjeg izvještaja o radu, Agencija za razvoj visokog obrazovanja i osiguranje kvaliteta je u skladu sa članom 11. stav (4) Odluke o godišnjem planiranju rada i načinu praćenja i izvještavanja o radu u institucijama Bosne i Hercegovine („Službeni glasnik BiH“, broj 94/14) primijenila Pravila za konsultacije u izradi pravnih propisa („Službeni glasnik BiH“, broj 5/17).

Izvještaj o radu Agencije za razvoj visokog obrazovanja i osiguranje kvaliteta za 2020. godinu bio je u eKonsultacijama u periodu od do godine. U ostavljenom periodu Agencija nije zaprimila prijedloge i/ili primjedbe na tekst nacrtu Izvještaja rada za 2020. godinu.

DIREKTOR

Prof. dr Enver Halilović